



後漢紀

決疑

夫決者智之君也疑者事之役也

後漢紀光武一

成名

夫名者心志之標榜也故行著一家一家稱焉德播一鄉一鄉舉焉

後漢紀光武三

御性

夫金剛水柔性之別也員行方正器之異也故善御性者不違金木之質善為器者不易方員之用

後漢紀光武五

心變

夫逆旅之妾惡者自以為惡主忘其惡而貴焉美者自以
為美主忘其美而賤焉夫色之美惡定於妾之面美惡之
情變於主之心况君子之人有善不敢識有過不敢忘者
乎其為美亦以弘矣故楊子之言足師逆旅之妾足誠也
後漢紀光武六

功業

君子或因風雲之勢以建山岳之功乘日月之末光以成
一匱之業後漢紀光武七

觀業

夫觀雲機之功則知班匠之巧觀太平之業則悟聖人之

明後漢紀光武八

功德

夫天地者萬物之官府山川者雲氣之丘墟萬物之生遂
則官府之功大雲雨施其潤則丘墟之德厚後漢紀光武八

處情

夫越人而臧否者非憎於彼也親戚而加譽者非優於此
也處情之地殊故公私之心異也後漢紀光武八

相襲

夫奕者之思盡於一局者也聖人之明周於天下者也苟
一局之勢未嘗盡同則天下之事豈必相襲哉後漢紀孝章下

強弱

兵法弱不攻強走不逐飛自然之勢也後漢紀孝安

極傾

長木之標其勢必顛勢極故也勢極則受惠故無全物焉然則貴盛之極傾覆之所由也後漢紀孝安

開侈

夫饑而思食寒而欲衣生之所資也遇其資則粳糧緼袍快然自足矣然富有天下者其欲彌廣雖方丈黼黻猶曰不足必求河海之珍以充耳目之玩則神勞於上民疲於下矣夫萬物之非能自止也上之所為民之準的也今以

不止之性而殉準的於上是彌而開之使其侈競也古之帝王不為靡麗之服不貴難得之貨所以去華競以嘿止喧也後漢紀孝順

隄防

夫人君之有政猶水之有隄防隄防完全雖遭雨水霖潦不能為變政教一立暫遭凶年不足為憂誠令隄防穿漏萬夫同力不能復救政教一壞賢智馳驚不能復還今隄防雖堅漸有孔穴後漢紀孝順

內疾

譬之一人之身本朝者心腹也州郡者四支也心腹痛則

四支不舉故臣之所憂在腹心之疾非四支之患

後漢紀
孝順

難為

譬諸附子療饑酖毒止渴未入腹胃喉咽已絕豈可為哉

後漢紀孝順

積賢

氣之清者為精人之清者為賢治身者以積精為寶治國者以積賢為道

後漢紀孝順

難傾

此猶倚南山而坐平原也誰能傾之

後漢紀孝質

苛求

末世陵遲臧否聿興執銓提衡稱量天下之人揚清激濁

繩墨四海之士

後漢紀孝桓上

資小

夫以六合之大萬物之衆一體之所棲宅猶秋毫之在馬背也其所資因小許處耳而賢者順之以通不肖者逆之

以塞彼之所乘其異塗轍哉

後漢紀孝桓上

自取

夫松竹貞秀經寒暑而不衰榆柳虛撓盡一時而零落此草木之性修短之不同者也廉潔者必有貪濁之對剛毅者必遇強勇之敵此人事之對感時之不同者也咸自取

之豈有為之者哉 後漢紀孝桓上

須待

夫懷寶者須世抱璞者待時 後漢紀孝桓上

顛木

大木將顛非一繩所維 後漢紀孝桓下

除姦

農勤於除草故穀稼豐茂忠臣務在除姦故令德道長 後漢紀孝桓下

人師

蓋聞經師易遇人師難遭故欲以素絲之質附近朱藍耳

後漢紀孝靈上

戰勝

攻堅易於折枯摧敵甚於湯雪 後漢紀孝靈中

民情

在溢則激處平則恬水之性也急之則擾緩之則靜民之情也 後漢紀孝靈下

智得

王者網漏鹿走則智多者得之 後漢紀孝靈下

俞彙

魏志

學砥

龍淵太阿出昆吾之金和氏之璧由井里之田礮之以砥
礪錯之以他山故能致連城之價為命世之寶學亦人之
砥礪也 魏志文帝紀註

似是

犁牛之駁似虎莠之幼似禾事有似是而非者

魏志文帝紀註

射蒿

亦譬以蒿箭射蒿中耳

魏志明帝紀註

傷殫

反裘負薪裹盡毛殫別趾適履刻肌傷骨 魏志明帝紀註

見小

自以為能行兵於井底游步於牛蹄 魏志明帝紀註

鵠變

卓曰鴻鵠固有遠志但燕雀自不知耳嵩曰昔與明公俱為鴻鵠不意今日變為鳳皇耳 魏志董卓傳註

立斃

袁紹孤客窮軍仰我鼻息譬如嬰兒在股掌之上絕其哺乳立可饑殺 魏志袁紹傳

相濟

金木水火以剛柔相濟然後克得其和能為民用 魏志袁紹傳註

饑飽

登見曹公言待將軍譬如養虎當飽其肉不飽則將噬人公曰不如卿言也譬如養鷹饑則為用飽則揚去 魏志張邈傳

小損

我之有斐譬如家有盜狗而善捕鼠盜雖有小損而完我囊貯 魏志曹爽傳註

重謀

慮為功首謀為賞本野績不越廟堂戰多不踰國勳是故曲阜之錫不後營立蕭何之土先於平陽 魏志荀彧傳註

佐衰

夫木朽不彫世衰難佐將軍雖欲委忠難佐之朝彫畫朽敗之木猶逆坂而走丸必不可也

魏志賈詡傳註

棄親

夫兄弟者左右手也譬人將鬪而斷其右手而曰我必勝若是者可乎夫棄兄弟而不親天下其誰親之

魏志王脩傳

局小

枳棘之林無梁柱之質涓流之水無洪波之勢

魏志王脩傳註

規異

人各有志所規不同故乃有登山而採玉者有入海而採

珠者豈可謂登山者不知海之深入海者不知山之高哉君謂僕以鄭為東家丘君以僕為西家愚夫邪

魏志邴原傳註

難羅

邴君所謂雲中白鶴非鷄鷄之網所能羅矣

魏志邴原傳註

俟時

龍鳳隱耀應德而臻明哲潛遁俟時而動是以鶯鶯鳴岐周道隆興四皓為佐漢帝用康

魏志管寧傳

無助

鳥能遠飛遠飛者六翮之力也然無衆毛之助則飛不遠矣

魏志崔琰傳註

改過

夫屋漏在上知之在下然迷而知反失道不遠過而能改謂之不過

魏志王朗傳

縱隨

夫釣者中大魚則縱而隨之須可制而後牽則無不得也人主之威豈徒大魚而已

魏志劉曄傳

先除

虎狼當路不治狐狸先除大害小害自己

魏志蔣濟傳

祭先

夫虬龍神於獺獺自祭其先不祭虬龍也騏驎白虎仁於

豺豺自祭其先不祭騏虎也

魏志蔣濟傳註

曜壁

猶曜和壁於秦王之庭而塞以連城之價耳

魏志劉放傳註

感狗

且布衣之交猶有務信誓而蹈水火感知已而披肝膽狗聲名而立節義者况於東帶立朝致位卿相所務者非特匹夫之信所感者非徒知已之惠所狗者豈聲名而已乎

魏志杜畿傳

任賢

昔騏驎之於吳阪可謂困矣及其伯樂相之孫郵御之形

體不勞而坐取千里蓋伯樂善御馬明君善御臣伯樂馳
千里明君致太平誠任賢使能之明效也 魏志任城王傳

棄驥

屈平曰國有驥而不知乘焉皇皇而更索 魏志任城王傳

勢然

諺言貧不學儉卑不學恭非人性分也勢使然耳 魏志任城陳蕭

王傳評註

因貴

夫物因人為貴故在賤者之手不御至尊之側 魏志王粲

卑修

荆山之璞曜元后之寶隋侯之珠徇衆士之好南垠之金
登窈窕之首鼉貂之尾綴侍臣之幘此四寶者伏朽石之
下潛汙泥之中而揚光千載之上發彩疇昔之外亦皆未
能初自接於至尊也夫尊者所服卑者所修也貴者所御
賤者所先也故厦屋初成而大匠先立其下嘉禾始熟而
農夫先嘗其粒 魏志王粲傳註

韋絃

且韋絃非能言之物而聖賢引以自匡臣才智闇淺願自
比於韋絃 魏志劉廙傳

遭值

遭乾坤之靈值時來之運揚湯止沸使不焦爛起煙於寒
灰之上生華於已枯之木

魏志劉廙傳

相忘

物不答施於天地子不謝生於父母

魏志劉廙傳

坎軻

騏驥馬不試婆娑槽檻間壯士志未伸坎軻多辛酸

魏志劉邵

傳註

有遇

駿驥骨法異伯樂觀知之但當養羽翮鴻舉必有期

魏志劉邵

傳註

無疾

體無纖微疾安用問良醫

魏志劉邵傳註

輕集

聯翩輕栖集還為燕雀嗤

魏志劉邵傳註

大用

千鈞之弩不為鼷鼠發機萬石之鍾不以筵撞起音

魏志杜襲

傳

根淺

各著根於石上而垂陰乎千里亦未為易也

魏志裴潛傳

知要

且萬目不張舉其網衆毛不整振其領

魏志崔林傳

信附

夫貞夫之一則天地可動機心內萌則鷗鳥不下况信不足焉而祈物之必附猜生於我而望彼之必懷何異挾水求温抱炭希凉者哉

魏志高柔傳

不止

譬猶鍾鳴漏盡而夜行不休

魏志田豫傳

考試

考試猶準繩也未有舍準繩而意正曲直廢黜陟而空論能否也

魏志王昶傳

有時

夫白日登天運景萬里無物不照及其入地一炭之光不可得見三五盈月清耀燭夜可以遠望及其在晝明不如

鏡

魏志管輅傳註

性異

夫陵虛之鳥愛其清高不願江漢之魚淵沼之魚樂其濡溼不易騰風之鳥由性異而分不同也

魏志管輅傳註

氣通

陰陽燧在掌握之中形不出手乃上引太陽之火下引太陰之水噓吸之間煙景以集

魏志管輅傳註

無本

無源何以成河無根何以垂榮

魏志管輅傳註

蜀志

唯染

傳曰素絲無常唯所染之信矣哉

蜀志後主傳

駕用

陸子可謂駕馬有逸足之力顧子可謂駕牛能負重致遠

也蜀志龐統傳

所致

駕馬雖精所致一人耳駕牛一日行三百里所致豈一人

之重哉蜀志龐統傳註

徹天

昔楚葉公好龍神龍下之好偽徹天何況於真蜀志秦宓傳
寶見

甫欲鑿石索玉剖蚌求珠今乃隨和炳然有如皎日蜀志秦宓傳

光餘

誠知晝不操燭日有餘光蜀志秦宓傳

博識

仲尼嚴平會聚眾書以成春秋指歸之文故海以合流為
大君子以博識為弘蜀志秦宓傳

不視

書非史記周圖仲尼不采道非虛無自然嚴平不演海以
受於歲一蕩清君子博識非禮不視蜀志秦宓傳

天性

夫虎生而文炳鳳生而五色豈以五采自飾畫哉天性自
然也蜀志秦宓傳

采藻

河洛由文興六經由文起君子懿文德采藻其何傷蜀志秦宓傳

獲多

違覆而得中猶棄弊躄而獲珠玉蜀志董和傳

摧翮

摧鸞鳳之翮遊燕雀之宇蜀志劉巴傳

至調

齊高妙之音正鄭衛之聲並利於事無相奪倫此乃管絃之至牙曠之調也雖非鍾期敢不擊節蜀志馬良傳

無私

夫水至平而邪者取法鏡至明而醜者亡怒水鏡之所以能窮物而無怨者以其無私也水鏡無私猶以免謗蜀志李嚴傳註

非地

芳蘭生門不得不鉏蜀志周群傳

力術

夫輓大重者其用力苦不衆拔大艱者其善術苦不廣蜀志譙周傳

疾獲

於是豪彊並爭虎裂狼分疾搏者獲多遲後者見吞蜀志譙周傳

審發

諺曰射幸數跌不如審發是故智者不為小利移目不為意似改步時可而後動數合而後舉蜀志譙周傳

禍速

和鸞未調而身在轅側庭宇未踐而棟折椽覆蜀志郤正傳

終隕

初升高岡終隕幽壑朝含榮潤夕為枯魄蜀志郤正傳

不違

故力征以勤世援華英而不違豈暇脩枯籜於榛穢哉蜀志

郤正傳

中處

不樂前以顧軒不就後以慮輕蜀志郤正傳

多賢

方今朝士山積髦俊成群猶鱗介之潛乎巨海毛羽之集

乎鄧林游禽逝不為之歎浮魴臻不為之殷蜀志郤正傳

攻弱

夫以秦楚之疆而報弱薛猶磨蕭斧而伐朝菌也蜀志郤正傳註

吳志

揖盜

是猶開門而揖盜未可以為仁也 吳志孫權傳

去儀

整齊風俗而輕脫威儀猶負薪救火無乃更崇其熾乎 吳志

孫權傳註

識要

疆界雖遠而其險要必爭之地不過數四猶人雖有八尺之軀靡不受患其護風寒亦數處耳 吳志孫皓傳註

急防

譬如金城萬雉所急防者四門而已 吳志孫皓傳註

怨慕

夫受堯誅者不能無怨受桀賞者不能無慕此人情也 吳志孫皓傳註

購勇

香餌引泉魚重幣購勇士 吳志孫吳傳註

游珍

海產明珠所在為寶楚雖有才晉實用之英偉君子所游見珍何必本州哉 吳志張紘傳註

待救

今子以旦夕之命待不可望之救猶牛蹄中魚冀賴江漢其不可恃亦明矣 吳志呂蒙傳

俱敗

今捨本土而託將軍者非為妻子也欲濟世務猶同舟涉海一事不牢即俱受其敗 吳志呂範傳註

有擇

虎魄不取腐芥磁石不受曲鍼 吳志虞翻傳註

美產

聞延陵之理樂觀吾子之治易乃知東南之美者非徒會稽之竹箭也 吳志虞翻傳

益光

美寶為質彫摩益光不足以損 吳志虞翻傳

益熾

斯何異燎之方盛又搗膏以熾之哉 吳志張溫傳註

戒擾

夫國之有民猶水之有舟停則以安擾則以危愚而不可欺弱而不可勝是以聖王重焉 吳志駱統傳

貴通

夫應龍以屈伸為神鳳皇以嘉鳴為貴何必隱形於天外潛鱗於重淵者哉 吳志吾粲傳

小仁

此無異殘林覆巢而全其遺鷺曲惠小仁何補大虐 吳志陸遜傳註

受言

夫良藥苦口惟疾者能甘之忠言逆耳惟達者能受之 吳志孫奮傳

脫禍

此猶魚鼈得免毒螫之淵鳥獸得離羅網之網 吳志陸凱傳

戒怒

臣聞震雷電激不崇一朝大風衝發希有極日然猶繼以

雲雨因以潤物是則天地之威不可經日決辰帝王之怒
不宜訖情盡意 吳志諸葛恪傳

舉當

唐虞之朝無謬舉之才造父之門無駕蹇之足 吳志王蕃傳註

治體

竊以治國之體其猶治家主田野者皆宜良信又宜得一
人總其條目為作維綱眾事乃理 吳志樓玄傳

晉書

駑戀

爽而範內踈而智不及駑馬戀短豆必不能用也 晉書宣帝紀

貪溺

亦猶竊鍾掩耳以衆人為不聞銳意盜金謂市中為莫覩
故知貪於近者則遺遠溺於利者則傷名 晉書宣帝紀

不學

荆山之璞雖美不琢不成其寶顏冉之才雖茂不學不弘
其量 晉書景帝紀

行非

志欲就於升平行先迎於禍亂是猶將遠越者指沙漠以
遵途欲登山者涉舟航而覓路所趣逾遠所尚轉難南北
倍殊高下相反求其至也不亦難乎 晉書武帝紀

防始

且知子者賢父知臣者明君子不肖則家亡臣不忠則國
亂國亂不可以安也家亡不可以全也是以君子防其始
聖人闢其端 晉書武帝紀

舉措

物號忠良於茲拔本人稱妖孽自此疏源 晉書惠帝紀

大壞

禮法刑政於此大壞如水斯積而决其隄防如火斯畜而
離其薪燎也 晉書孝愍帝紀

再造

則所謂生繁華於枯萑育豐肌於朽骨 晉書元帝紀

扞外

故不有行者誰扞牧圉譬若唇齒表裏相資 晉書明帝紀

燎燼

燎其餘燼有若秋原 晉書明帝紀

撥反

用能蕩氛霧於昊蒼耀晨輝於宇宙 晉書簡文帝紀

憫亂

夫五運攸革三微數盡猶高秋彫候理之自然觀其搖落
人有為之流連者也 晉書恭帝紀

天蒼

天了無質仰而瞻之高遠無極眼瞽精絕故蒼蒼然也譬
之旁望遠道之黃山而皆青俯察千仞之深谷而窈黑夫
青非真色而黑非有體也 晉書天文上

氣充

天形穹隆如雞子幕其際周接四海之表浮於元氣之上
譬如覆奩以抑水而不沒者氣充其中故也 晉書天文上

視效

是故雙劍之節崇而飛白之俗成挾琴之容飾而赴曲之
和作 晉書禮上

邪正

邪正不並存譬若胡與秦胡秦有時合邪正各異津 晉書樂下

遭時

雖薄供時用白茅猶為玕冰霜晝夜結蘭桂摧為斨 晉書樂下

奉典

夫奉聖典者若操刀執繩刀妄加則傷物繩妄彈則侵直
晉書刑法

女妖

龍祭結釁宗周鞠為黍苗鷲尾挺灾隆漢墜其粉社晉書后妃

上

造化

陽爍陰凝萬物假其陶鑄火炎水潤六氣由其調理晉書后妃

下

昧害

所謂高蟬處乎輕陰不知螳螂襲其後也晉書王祥列傳

威振

今兵威已振譬如破竹數節之後皆迎刃而解無復著手

處也晉書杜預傳

時傑

顏若武庫五兵縱橫一時之傑也晉書裴頠傳

崇有

心非事也而制事必由於心然不可以制事以非事謂心為無也匠非器也而制器必須於匠然不可以制器以非

器謂匠非有也晉書裴頠傳

有知

是以欲收重泉之鱗非偃息之所能獲也墮高墉之禽非靜拱之所能捷也審投弦餌之用非無知之所能覽也晉書

裴頡傳

評鑒

楷有知人之鑒初在河南樂廣僑居郡界未知名楷見而
奇之致之於宰府嘗目夏侯玄云肅肅如入宗廟中但見
禮樂器鍾會如觀武庫森森但見矛戟在前傳嘏汪翔靡
所不見山濤若登山臨下幽然深遠 晉書裴楷傳

覺穢

珠玉在側覺我形穢 晉書衛玠傳

朗照

與玠同遊罔若明珠之在側朗然照人 晉書衛玠傳

審宜

善御者必識六轡盈縮之勢善政者必審官方控帶之宜
晉書張華傳

自禍

木摧於秀蘭燒以薰 晉書宣五王列傳

實著

堯舜周公所以能致忠諫者以其款誠之心著也冰炭不
言而冷熱之質自明者以其有實也若好忠直如水炭之
自然則諤諤之臣將濟濟而盈庭 晉書王沉傳

用世

有莘之媵殊北門之情渭濱之叟匪西山之節湯武有以
濟其功夏殷不能譏其志 晉書王沉列傳

見噬

以累卵之身處雷霆之衝爾粟之質當豺狼之路其見吞

噬豈抗唇齒 晉書王濬傳

懼害

夫猛獸當途麒麟恐懼况臣脆弱敢不悚慄 晉書王濬傳

鑒識

戎有人倫鑒識常目山濤如璞玉渾金人皆欽其寶莫知
名其器王衍神姿高徹如瑤林瓊樹自然是風塵表物謂

斐顏拙於用長荀勗工於用短陳道寧綬綬如束長竿 晉書

王戎傳

交譽

夷甫處衆中如珠玉在瓦石間顧愷之作畫贊亦稱衍嚴

巖清峙壁立千仞 晉書王衍傳

瑩然

此人之水鏡見之瑩然若披雲霧而覩青天也 晉書樂廣傳

棄禮

且夫衣服表容珪璋璋範德聲移宮羽彩照山華布武有章
立言成訓澄之箕踞不已甚矣 晉書山濤傳

振郁

同銜王振爭芬蘭郁 晉書鄭袤列傳

鋤強

毅將彈河南尹司隸不許曰攫獸之犬鼯鼠蹈其背毅曰既能攫獸又能殺鼠何損於犬 晉書劉毅傳

持正

正色立朝舉綱引墨朱紫有分鄭衛不雜 晉書劉毅傳

卒變

臣聞猛獸在田荷戈而出凡人能之蜂蠆作於懷袖勇夫為之驚駭出於意外故也 晉書劉毅傳

大用

嶠森森如千丈松雖礫砢多節目施之大厦有棟梁之用

晉書和嶠傳

終濟

譬由行舟雖不橫截迎流然俄向所趣漸靡而往終得其

濟 晉書劉頌傳

不苛

故善為政者網舉而網疏網舉則所羅者廣網疏則小必漏所羅者廣則為政不苛 晉書劉頌傳

小急

何則害法在犯尤而謹搜微過何異放兕豹於公路而禁鼠盜於隅隙古人有言鈇鉞不用而刀鋸日弊不可以為政此言大事緩而小事急也

晉書劉頌傳

巨聽

一犬吠形群犬吠聲懼於群吠遂至巨聽也

晉書傅咸傳

取禍

卿不識韓非逆鱗之言耶而歛摩天子逆鱗自知所陳誠頡頏觸猛獸之鬚耳

晉書傅咸傳

官人

夫興化之要在於官人才非一流職有不同譬諸林木洪

纖枉直各有攸施

晉書傅咸傳

進退

古之君子進人以禮退人以禮今之進人若加諸膝退人

若墜諸川

晉書向雄傳

割地

雖云割地譬猶囊漏貯中亦一家之有耳

晉書段灼傳

死報

魚懸由於甘餌勇夫死於重報

晉書段灼傳

忠君

忠臣之於其君猶孝子之於其親進則有欣然之慶非貪

官也退則有戚然之憂非懷祿也其意在於不忘光君榮
親情所不能已已者也 晉書段灼傳

同亡

與覆車同軌者未嘗安也與死人同病者未嘗生也與亡
國同法者未嘗存也 晉書段灼傳

處域

獨不見群蟲之處禪中逃乎深縫匿乎壞絮自以為吉兆
也行不敢離縫際動不敢出禪檔自以為得繩墨也然炎
丘火流焦邑滅都群蟲處於禪中而不能出也君子之處
域內何異夫蟲之處禪中乎 晉書沅籍傳

吐言

彥國吐佳言如鋸木屑霏霏不絕誠為後進領袖也 晉書
胡毋

輔之傳

固本

幹植不彊枝葉不茂骨鯁不存皮膚不充 晉書曹志傳

陵上

夫人之性陵上猶水之趣下也益而不已必決升而不已
必困始於匹夫行義不敦終於皇輿為之敗績固不可不
慎也 晉書瘦峻傳

不竭

聽象語如懸河瀉水注而不竭晉書郭象傳

體足

夫一人死而天下號者以為損也一人生而四海笑者以為益也然則號笑非益死損生也是以至道不損至德不益何哉體足也晉書皇甫謐傳

相成

是以春華發萼夏繁其實秋風逐暑冬冰乃結晉書皇甫謐傳

并收

陛下披榛採蘭并收蒿艾是以臯陶振褐不仁者遠晉書皇甫謐傳

謐傳

難混

韶衛不並奏雅鄭不兼御晉書皇甫謐傳

邪進

燕石緹襲以華國兮和璞遙棄於南荆夏像韜塵于市北
方瓶壘抗方於兩楹鸞皇耿介而偏栖兮蘭桂背時而獨
榮晉書摯虞傳

窮顯

芳處幽而彌馨兮寶在夜而愈光晉書摯虞傳

正集

夫駢駘不總轡則非造父之肆明月不流光則非隋侯之

掌晉書王接傳

徽猷

斯玉鉉之妙味經世之徽猷也晉書王接傳

得時

不患玄黎之不啓竊樂春英之及時晉書王接傳

漸起

天地不能頓為寒暑人主亦不能頓為隆替故寒暑漸於

春秋隆替起於得失晉書邵詵傳

趨利

人之於利如蹈水火焉前人雖敗後人復起如彼此無已

誰止之者晉書邵詵傳

獨對

臣舉賢良對策為天下第一猶桂林之一枝崑山之片玉

晉書邵詵傳

不制

夫以微羈而御悍馬又乃操以煩策其不制者固其理也

晉書阮种傳

廉耻

夫廉耻之於政猶樹執之有豐壤良歲之有膏澤其生物必油然茂矣若廉耻不存而惟刑是御則風俗彫弊人失

其性雖刀之末皆有爭心雖峻刑嚴辟猶不勝矣

晉書阮

求賢

夫賢才之畜於國由良工之須利器巧匠之待繩墨也器用利則斲削易而材不病繩墨設則曲直正而衆形得矣是以人主必勤求賢而佚以任之也

晉書阮種傳

有才

以八紘之廣兆庶之衆豈當無卓越雋逸之才乎譬猶南海不少明月之寶大宛不乏千里之駒也

晉書華譚傳

產異

秀異固產於方外不出於中域也是以明珠文貝生於江

鬱之濱夜光之璞出乎荆藍之下故以人求之文王生於

東夷大禹生於西羗

晉書華譚傳

爭讓

昔許由巢父讓天子之貴市道小人爭半錢之利此之相

去何啻九牛一毛也

晉書華譚傳

器使

人各有能有不能譬繒中之好莫過錦錦不可以為帽穀中之美莫過稻稻不可以為齋是以聖王使人必先以器苟非周材何能悉長

晉書袁甫傳

文絕

機文猶玄圃之積玉無非夜光焉五河之吐流泉源如一
焉其弘麗妍瞻英銳漂逸亦一代之絕乎

晉書陸機傳

貴用

廣樂九奏必登昊天之庭韶夏六變必饗上帝之祀

晉書陸雲

文美

高詞迴映如朗月之懸光疊意迴舒若重巖之積秀千條
析理則電折霜開一緒連文則珠流璧合

晉書陸機列傳

得禍

矯翮南辭翻棲火樹飛鱗北逝卒委湯池遂使穴碎雙龍

巢傾兩鳳激浪之心未騁遽骨脩鱗凌雲之意將騰先灰
勁翮望其翔躍焉可得哉

晉書陸機列傳

隱顯

是知蘭植中塗必無經時之翠桂生幽壑終保弥年之丹
非蘭怨而桂親豈塗害而壑利而生滅有殊者隱顯之勢
異也

晉書陸機列傳

韜全

銜美非所罕有常安韜奇擇居故能全性

晉書陸機列傳

附勢

握權則赴者鱗集失寵則散者尾解求利則託刎頸之懼

爭路則構刻骨之隙於是浮偽波騰曲辯雲沸寒暑殊聲
朝夕異價駕蹇希奔放之跡鈎刀競一割之用

晉書潘尼傳

屈伸

動則行乎至通之路靜則入乎大順之門泰則翔乎寥廓
之宇否則淪乎渾冥之泉

晉書潘尼傳

治內

以造化為工匠天地為陶鈞名位為糟粕勢利為埃塵治
其內而不飾其外

晉書潘尼傳

時殊

故當其有事也則足非千里不入於輿刃非斬鴻不韜於

鞘是以駕蹇望風而退頑鈍未試而廢及其無事也則牛
驥共牢利鈍齊列而無長塗屏革以決之此離朱與瞽者
同眼之說也處守平之世而欲建殊常之勲居太平之際
而吐違俗之謀此猶却步而登山嚙韋甫於越也

晉書張載傳

須勢

故智無所運其籌勇無所奮其氣則勇怯一也才無所騁
其能辯無所展其說則頑慧均也是以吳榜越船不能無
水而浮青虬赤螭不能無雲而飛

晉書張載傳

貴遇

故和璧之在荆山隋珠之潛重川非遇其人焉有連城之

價照車之名乎

晉書張載傳

別才

青骹繁霜繫於籠中何以效其操東郭於羈下也白猿玄
豹藏於靈檻何以知其接垂條於千仞也孱夫與烏獲訟
力非龍文赤鼎無以明之蓋聶政與荆卿爭勇非疆秦之
威孰能辨之

晉書張載傳

時異

故餓夫庸隸抱關屠釣之倫一旦而都卿相之位建金石
之號者或有懷顏孟之術抱伊管之略沒世而不齒者此
言有事之世易為功無為之時難為名也

晉書張載傳

文藻

機文喻海韞蓬山而育蕪岳藻如江濯美錦而增絢

晉書夏侯

湛列傳

不取

山濤吾所不解吏非吏隱非隱若以元禮門為龍津則當

點額暴鱗矣

晉書孫綽傳

前後

綽性通率好譏調嘗與習鑿齒共行綽在前顧謂鑿齒曰
沙之汰之瓦石在後鑿齒曰歟之颺之糠粃在前

晉書孫綽傳

救應

南北諸軍風馳電赴若身手之救痛痒率然之應首尾晉書

命義

所謂命輕鴻毛義貴熊掌晉書江統列傳

相資

為國之有藩屏猶濟川之有舟楫安危成敗義實相資舟

楫且完波濤不足稱其險藩屏式固禍亂何以成其階晉書

汝南王列傳

膩汚

輿猶膩也近則汚人晉書劉輿傳

槌椎

時梅陶及鍾雅數說餘事納輒困之因曰君汝穎之士利

如錐我幽冀之士鈍如槌持我鈍槌極君利錐皆當摧矣

陶雅並稱有神錐不可得槌納曰假有神錐必有神槌晉書

祖納傳

俟力

飛龍御天故資雲雨之勢帝王興運必俟股肱之力晉書

列傳

獨安

一州清晏恬波於沸海之中百城安堵靜禳於稽天之際

晉書劉弘列傳

假託

蓋聞繁弱登御然後高墉之功顯孤竹在肆然後降神之曲成是以高世之主必假遠邇之器蘊匱之才思託大音之和晉書戴若思傳

適用

誠東南之遺寶宰朝之奇璞也若得託迹康衢則能結軌驥馭耀質廊廟必能垂光璵璠矣晉書戴若思傳

唐突

何乃刻畫無鹽唐突西施也晉書周顛傳

駑疴

王茂弘駑疴耳若卞望之之巖巖刀玄亮之察察戴若思之峰岨當敢爾邪晉書卞壺傳

俟求

含竒謨於朱唇握神策於玉掌道遙川嶽之上以俟真人之求晉書孫惠傳

易昌

指麾則五嶽可傾呼噏則江湖可竭况履順討逆執正伐邪是烏獲摧冰賁育拉朽猛獸吞狐泰山壓卵因風燎原未足方也晉書孫惠傳

亂世

遂使世人削方為圓撓直為曲豈待顧道德之清塗踐仁義之區域乎

晉書熊遠傳

賢產

夫英偉大賢多出於山澤河北土平氣均蓬蒿裁高三尺不足成林故也

晉書陳頤傳

杜萌

故百尋之屋突直而焚燎千里之隄蟻垤而穿敗古人防小以全大慎微以杜萌

晉書陳頤傳

量力

洪體之進趣之才偶好無為之業假令奮翅則能陵厲玄霄騁足則能追風躡景猶欲戢勁翮於鷦鷯之群藏逸迹於跛驢之伍豈况大塊稟我以尋常之短羽造化假我以至駕之蹇足自卜者審不能者止又豈敢力蒼蠅而慕冲天之舉策跛鼈而追飛兔之軌飾嫫母之篤陋求媒陽之美談推沙礫之賤質索千金於和肆哉

晉書葛洪傳

不量

夫樵僂之步而企及夸父之蹤近才所以躓礙也要離之羸而強赴扛鼎之勢秦人所以斷筋也

晉書葛洪傳

安窮

是以望絕於榮華之塗而志安乎窮圯之域藜藿有八珍
之甘蓬蓽有藻枕之樂也故權貴之家雖咫尺弗從也知
道之士雖艱遠必造也 晉書葛洪傳

先饗

柏梁雲構大匠先居其下管弦繁奏夔牙先聆其音

晉書庾懌傳

傳

收功

復策敗駕之駟以冀萬里之功非天眷之隆將何以至此
晉書庾冰傳

獬豸

三台麗天辰極以之增耀論道作獬豸以之時邕

晉書桓豁傳

不籍

小水不容大舟若縱才力足以濟事亦不假君為鱗翼

晉書

桓謙傳

處亂

交霜雪於抄歲晦風雨於將晨喑響或以變其音貞柯罕
能全其性 晉書徐寧傳

不拂

人之體韻猶器之方圓方圓不可錯用體韻豈可易處各

順其方以弘其業則歲寒之功必有成矣 晉書王坦之傳

譽生

親譽生於不足未若不知之有餘良藥效於瘳疾未若無病之為貴也 晉書王坦之傳

辭義

義則戰爭之場辭亦劍戟之鋒 晉書荀崧傳

美謙

夫有所貴故有降焉夫有所美故有謙焉譬影響之與形聲相與而立道足者忘貴賤而一賢愚體公者乘理當而均彼我降挹之義於何而生則謙之為美固不可以語至

足之道涉乎大方之家矣 晉書韓伯傳

衆望

朝野挹其風流人倫推其表燭 晉書王湛列傳

眈禍

天子居綴旒之運人臣微履餗之憂於是竊勢擁權黷明王之彝典窮奢縱侈假凶豎之餘威繡楠雕楹陵跨於宸極驪珍冶質充切於帷房亦猶犬彘腴肥不知禍之將及

晉書王湛列傳

世盛

勝氣籠霄飛談卷霧並蘭芬菊耀無絕於終古矣 晉書王湛列傳

莫傾

玩既拜有人詣之索盃酒瀉置柱梁之間呪曰當今乏材以爾為柱石莫傾人梁棟邪

晉書陸玩傳

棄多

不信百戰之効而執一攻之驗棄多從少於理安乎譬若射者百發而一不中可謂之拙乎

晉書蔡謨傳

先零

松栢之姿經霜猶茂蒲柳常質望秋先零

晉書顧悅之傳

識憎

群非孔子厄同匡人雖陽和布氣鷹化為鳩至於識者猶

憎其目

晉書孔群傳

庭生

譬如芝蘭玉樹欲使其生於庭階耳

晉書謝玄傳

翰病

獻之雖有父風殊非新巧觀其字勢踈瘦如隆冬枯樹覽其筆蹤拘束若嚴家之餓隸其枯樹也雖槎枿而無屈伸其餓隸也則羈羸而不放縱兼斯二者故翰墨之病歟

晉書

王羲之列傳

所少

雖禿千兔之翰聚無一毫之筋窮萬穀之皮斂無半分之

骨 晉書王羲之列傳

墨妙

觀其點曳之工裁成之妙煙霏露結狀若斷而還連鳳翥龍蟠勢如斜而反正 晉書王羲之列傳

亮危

貞松標於歲寒忠臣亮於國危 晉書毛豫傳

學質

故學之染人甚於丹青丹青吾見其久而渝矣未見久學而渝者也夫工人之染先脩其質後事其色質脩色積而染工畢矣學亦有質孝悌忠信是也 晉書虞溥傳

勤志

然積一勺以成江河累微塵以崇峻極匪志匪勤理無由濟也 晉書虞溥傳

恠鳥

進無威鳳未儀之美退無鷹鷂搏擊之用徘徊湘川將為恠鳥 晉書孫盛傳

立功

夫芬芳起於椒蘭清響生乎琳琅命世而作佐者必垂可大之餘風高尚而邁德者必有明勝之遺事 晉書習鑿齒傳

莫察

但絕節赴曲非常耳所悲見殊心異雖奇莫察晉書習鑿齒傳

罕稱

葺宇重軒之下施牀連榻之上奇詞異義罕見稱焉晉書陳壽

感化

夫飛鴉惡鳥也食桑葢猶懷好音雖曰戎狄其無情乎苟感之有物非難化也晉書殷仲堪傳

捐本

貧者士之常焉得登枝而捐其本晉書殷仲堪傳

失尚

棄彼弊冠崇茲新履晉書王恭列傳

無及

此猶烈火已焚待江漢之水溺於洪流望越人之助其何及哉晉書張軌傳

絕本

夫除惡人猶農夫之去草令絕其本勿使能滋晉書張軌傳

舉翮

姑臧謠曰鴻從南來雀不驚誰謂孤鷁尾翹生高舉六翮鳳皇鳴晉書張茂傳

效用

鉛刀有干將之志螢燭希日月之光

晉書張駿傳

行得

吾非好行行有得也觀朝榮則教才秀之士玩芝蘭則愛德行之臣觀松竹則思貞操之賢臨清流則貴廉潔之行覽蔓草則賤貪穢之吏逢颶風則惡凶狡之徒若引而申之觸類而長之庶無遺漏矣

晉書張天錫傳

養性

桑葢甜甘鴟鴞革響乳酪養性人無妬心

晉書張天錫傳

世德

王者受圖咸資世德猶混成之先大帝若二氣之生兩儀

是以中陽勃興資參龍之構趾景亳垂統本吞鷲之開基

晉書武昭王列傳

御世

運陰陽而緯武應變之道如神吞日月以經天成物之功

若歲

晉書武昭王列傳

有漸

覆篲創元天之基䟽洎開環海之宅彼既有漸此亦同符

晉書武昭王列傳

子道

集包思執黍之勤循咳有採蘭之詠事親之道也

晉書孝友傳

天倫

夫天倫之重共氣分形心睽則葉穎荆枝性合則華承棟
晉書孝友傳

憑立

當今二公有晉之棟楹也吾方希達如榱椽耳不憑之豈
能立乎 晉書劉殷傳

烈節

是知隕節苟合其宜義夫豈吝其沒捐軀若得其所烈士
不愛其存故能守鐵石之深衷厲松筠之雅操見貞心於
歲暮標勁節於嚴風赴鼎鑊其如歸履危亡而不顧書名

竹帛畫象丹青前史以為美談後來仰其徽烈者也 晉書忠義傳

出類

昨於稠人中一見嵇紹昂昂然如野鳥之在雞群 晉書嵇紹傳

革弊

改前轍者則車不傾革往弊者則政不爽 晉書嵇紹傳

遠害

常恐洪濤蕩嶽餘波見漂况可臨尾閭而闕沃焦哉 晉書韋忠傳

趣熱

東野丈人觀時以居隱耕汙腴之墟有冰氏之子者出自
 洹寒之谷過而問塗丈人曰子奚自曰自涸陰之鄉奚適
 曰欲適煌煌之堂丈人曰入煌煌之堂者必有赫赫之光
 今子困於寒而欲求諸熱無得熱之方冰子瞿然曰胡為
 其然也丈人曰融融者皆趨熱之士其得爐冶之門者惟
 挾炭之子 晉書王沉傳

均賢

可謂蘭桂異質而齊芳韶武殊音而並美 晉書張禕傳

無方

吾聞宗廟之器不要華林之木四門之賓何必冠蓋之族

前賢有解韋索而佩朱韞舍徒擔而乘丹轂由此言之何

恤而無祿 晉書王沉傳

投足

欲騁韓盧時無狡兔衆塗圯塞投足何錯 晉書王沉傳

隨時

道隱則蟻屈數感則鳳覩 晉書庾闡傳

不擇

窮援投林豈暇擇木 晉書李充傳

有施

物各有所施榱椽之材不合以為藩落也 晉書褚裒傳

用才

火生而有光而不用其光果在於用光人生而有才而不用其才而果在於用才故用光在乎得薪所以保其耀用才在乎識真所以全其年

晉書孫登傳

貴隱

清流可飲至道可滄何為棲棲自使疲卑魚懸獸檻鄙夫

知之

晉書董京傳

藏器

夫古之至人藏器於靈襁袍不能令暖軒冕不能令榮動如川之流靜如川之渟

晉書董京傳

取禍

鸚鵡能言泗濱浮磬衆人所翫豈合物情玄鳥紆幙而不被害鴈集遠巢咸以欲死眇彼梁魚逡巡倒尾沈吟不決

忽焉失水

晉書董京傳

人貴

萬物皆賤惟人為貴動以九州為狹靜以環堵為大

晉書董京

傳

必拯

臨河救溺不卜命之短長脉病三年不豫絕其滄饋

晉書郭瑀

傳

貌似

舍實逐聲之行是猶美西施而學其顰眉慕有道而折其
中角所以為慕者非其所以為美徒貴貌似而已矣夫紫
之亂朱以其似朱也故鄉原似中和所以亂德放達似通
所以亂道然竹林之為放有疾而為顰者也元康之為放
無德而折中者也可無察乎

晉書戴逵傳

有因

天地之生萬物聖王之馭天下莫不順其性而暢之故黃
帝服牛乘馬因其性也禹鑿龍門決洪河因水之勢也后
稷之播殖百穀因地之氣也湯武之滅夏商因人之欲也

是以有因成無因敗

晉書符堅妻張氏傳

表貞

夫繁霜降節彰勁心於後凋橫流在辰表貞期於上德

晉書

烈女列傳

必噬

處仲蜂目已露但豺聲未振若不噬人亦當人所噬

晉書王敦

傳

徒大

頗聞劉景升有千斤大牛敢芻豆十倍於常牛負重致遠
曾不若一羸犗魏武入荊州以享軍士

晉書桓溫傳

從上

辰極既迴衆星斯仰本源既運枝派自遷

晉書桓温傳

徧安

若乃海運既徙而鵬翼不舉永結根於南垂廢神州於龍

漠晉書桓温傳

中區

夫先王經始玄聖宅心畫為九州制為九服貴中區而內

諸夏誠以晷度自中霜露惟均冠冕萬國朝宗四海故也

晉書桓温傳

俟時

蠖屈以待龍甲之會潜蟠以俟風雲之期

晉書桓温傳

難起

難起蕭牆毒痛函夏九州波駭五嶽塵飛

晉書王彌列傳

為大

當為崇岡峻阜何能為培塿乎

晉書劉元海傳

易取

以司馬模之彊吾取之如拉朽索綈小豎豈能汚吾馬蹄

刀刃邪晉書劉聰傳

邪佞

邪佞者宇宙之螟蛉王化之蠱賊也

晉書劉聰傳

莫療

陛下心腹四支何處無患復誅巫咸戮扁鵲臣恐遂成桓侯膏肓之疾後雖欲療之其如病何

晉書劉聰傳

難並

何異象椽玉簀而對腐木朽楹哉

晉書劉聰傳

非倫

石將軍之擬明公猶陰精之比太陽江河之比洪海爾

晉書

石勒上傳

避路

良臣如猛獸高步通衢而豺狼避路信矣

晉書石季龍上傳

鑿禍

然白龍魚服有豫且禍之海若潛游雁葛陂之酷深願陛下

下渭宮蹕路思二神為元鑿不可忽天下之重輕行斤斧

之間

晉書石季龍上傳

逞亮

假豹姿於羊質騁梟心於狼性

晉書石季龍下列傳

世亂

塵飛五嶽霧掩三精

晉書石季龍下列傳

勢易

豈不若因風振落頓坂走輪哉

晉書慕容廆傳

易敗

傷弓之鳥落於虛發 晉書符洪傳

爭任

吾輩與先帝共興事業而不預時權君無汗馬之勞何敢
專管大任是為我耕稼而君食之乎猛曰方當使君為宰
夫安直耕稼而已 晉書符堅上傳

自重

千金之子坐不垂堂萬乘之主行不履危 晉書符堅上傳

易勝

以大將軍英秀諸將勇銳以攻小城何異洪爐燎羽毛 晉書

符堅上傳

決謀

國有元龜可以決大謀朝有公卿可以定進否 晉書符堅
下傳

易摧

今有勁卒百萬文武如林鼓行而摧遺晉若商風之隕秋

葉 晉書符堅下傳

喪亂

自兩京殄覆九土分崩赤縣成蛇豕之墟紫宸遷鼃鼃之
穴干戈日用戰爭方興猶逐鹿之並驅若瞻烏之靡定 晉書
符丕列傳

珍產

琳琅出于崑領明珠生於海濱若必以地求人則文命大

夏之棄夫姬昌東夷之擯士但當問其文彩何如不可以

區宇格物 晉書姚興上傳

統重

夫統天下之重如臣乘惡馬而持矛也急之則慮自傷緩

之則懼其失是以馬馳而不制也 晉書李雄傳

脫危

授甲晨征則理均於困獸斬關宵遁則義殊於前禽 晉書李雄

列傳

變節

陵霜不彫者松柏也臨難不移者君子也何圖松柏彫於

微霜而雞鳴已於風雨 晉書呂光傳

知機

應龍以屈伸為靈大人以知機為美 晉書呂隆傳

制鷹

且垂猶鷹也饑則附人飽便高颺遇風塵之會必有凌霄

之志惟宜急其羈絆不可任其所欲 晉書慕容垂傳

後悔

呻血斷金披心相付謂卿食椹懷音保之借老豈意畜水

覆舟養獸反害悔之噬臍將何所及 晉書慕容垂傳

脫難

失籠之鳥非羅所羈脫網之鯨豈罟所制 晉書慕容垂傳

難御

馬能千里不免羈絆明畜生不可以人御也 晉書慕容垂傳

高飛

今崎嶇於鋒刃之間在疑忌之際愚則為人所猜智則危

甚巢幕當如鴻鵠高飛一舉萬里不可坐待罟網也 晉書慕容

盛傳

不馴

隼質難羈狼心自野 晉書慕容寶列傳

凶作

夫天地閉大稜生雲雷屯群凶作 晉書乞伏國仁列傳

大用

鯤非溟海無以運其軀鳳非脩梧無以晞其翼卿有佐時

之器夜光之寶當振纓雲閣耀價連城區區河右未足以

逞卿才力 晉書利鹿孤傳

異才

命世大才經綸名教者不必華宗夏士撥煩理亂澄氣濟

世者亦未必八索九丘五經之外冠冕之表復自有人 晉書

傳檀傳

蒙施

於覆巢之下蒙全卵之施 晉書慕容德傳

才高

恣飛馬之雄辭奮談天之逸辯指麾則紅紫成章俛仰則

丘陵生韻 晉書慕容德傳

果癡

諺云妍皮不果癡骨妄語耳 晉書慕容超傳

承乏

黃犬之皮恐當終補狐裘也 晉書慕容超傳

多奇

始知天族多奇玉林皆寶 晉書慕容超傳

大志

龍飛漠南鳳峙朔北長轡遠馭則西單崑山之外密網遐

張則東澗滄海之表 晉書赫連勃勃傳

高朗

若紫微之帶皇穹闕風之跨石土 晉書赫連勃勃傳

麗飾

雖如未須彌之寶塔帝釋刀利之神宮尚未足以喻其麗

方其飾矣 晉書赫連勃勃傳

自敗

則群逆冰摧不俟朱陽之耀若秋霜墮穉豈待勁風之威
晉書姚興上傳

